

8

Bishop Tunstall obtained from King Philip and Queen Mary a GRANT of the Nomination Presentation and Collection of all the Twelve Prebendaries in the Cathedral Church of DURHAM to him and his Successors; which by the foundation of Henry VIII. were in the Crown only reserving the Nomination of the Dean.

Collection

(7 February 1555.)

PHILIPPUS et Maria Dei gratia Rex et Regina Angliæ, Franciæ, Neapolis, Hierusalem, et Hiberniæ, fidei Defensores, Principes Hispaniarum et Ciciliæ, Archiduces Austriæ, Duces Mediolani, Burgundiæ et Brabantæ, Comites Hasburgi, Flandriæ et Tirolis, Omnibus ad quos præsentis Literæ nostræ pervenerint Salutem. Quoniam præcharissimus et illustrissimus pater noster, felicis memoriæ, Henricus octavus, Rex Angliæ, Franciæ, et Hiberniæ, et fidei Defensor, Ecclesiam Cathedralem Dunelmensem, tunc regularem existentem, et sub regula Divi Benedicti. Magnoque Conventu Nigrorum Monachorum regulam Divi Benedicti profitentium, abundantem, qui cum essent Claustrales et ad prædicandum Verbum Dei per Dioecesim Dunelmi circumire non solebant, sicut Seculares Canonici aliarum Regni sui Cathedralium Ecclesiarum ad informandum Plebem Diocesanum cujuscunque Dioecesis circumire solent, atque ideo visum sit Domino Patri nostro bonæ memoriæ, Statum illius Ecclesiæ tunc Regularis, in Statum Ecclesiæ Secularis commutare, ut Verbi Dei prædicatio (ante claustro conclusa) per totum Dioecesim uberius ad majorem Christiani Populi eruditionem

et



et Informationem diffunderetur; Qua de causa, unum Decanum et duodecim Canonicos Seculares, in ea Ecclesia, sub nomine Decani et Capituli fundavit, ut ibi serviendum Deo residerent, hospitalitatemque decentem secundum vires terrarum et possessionum, dotis nomine, ad foundationem illius Ecclesiæ sibi datarum servarent; atque inter cetera constituit ut Duodecim Canonicatus, et Prebendæ Sacerdotales, una cum Decano, in ea Ecclesia essent, quibus certa nomina in Institutione et fundatione sua indidit, (viz.) ut unus vocaretur primus Canonicatus et Prebenda, alius deinceps secundus, alius tertius, alius quartus, alius quintus, alius sextus, alius septimus, alius octavus, alius nonus, alius decimus, alius undecimus, alius duodecimus, qui omnes simul una cum Decano facerent unum Corpus et Collegium sub Decano Capite. Quarum Dignitatum de novo Constitutarum, (viz.) Decanatus et Duodecim Canonicatum et Prebendarum Patronatum Nominationem et Præsentationem sibi hæredibus et Successoribus suis, in Fundatione sua retinuit; nam duos Archidiaconos (viz.) Dunelmensem Archidiaconum et Archidiaconum Northumbriæ, qui in dicta Ecclesia Dunelmensi, sub Dunelmensi Episcopo, de ejus Collatione et Patronatu ante fuerant, immutare noluit, sed in suo Statu et Ordinatione, sicut prius fuerant permanere voluit; (nam bene fertur quod Rex præsentat nonos Prebendarios in Cantuariensi Ecclesia, et omnes in Ecclesiis Westminster, Roffensis, Worcester, Norwich et Windsor) Et quia in cæteris omnibus Cathedralibus et Secularibus Regni nostri Ecclesiis, Collatio Canonicatum et Prebendarum, ad Episcopos ipsos singulos in suis Ecclesiis Cathedralibus juxta antiquam, secundum

secundum jus et libertatem Ecclesiæ Anglicanæ pertinere semper so-
let: Nos Ecclesiam Dunelmensem ad paritatem et similitudinem
aliarum Ecclesiarum Secularium reducere volentes; ut Episcopus
graves et doctos Viros, ad Prædicationem Verbi Dei idoneos secum
in Ecclesia sua habeat, Nominationem, Præsentationem et Collatio-
nem omnium et singulorum duodecim Canonicatum et Prebendari-
orum (viz.) Primi, secundi, tertii, quarti, sexti, septimi, octavi, noni,
decimi, undecimi et duodecimi, quandocunque aliquem illorum Ca-
nonicatum et Prebendariorum vacare contigerit, de tempore in
tempus, Cuthberto nunc Dunelmensi Episcopo et Successoribus suis
in perpetuum pro nobis hæredibus et successoribus nostris, Donamus,
Concedimus et Damus per præsentem has Literas nostras, reservan-
tes tamen nobis hæredibus et successoribus nostris Donationem,
Nominationem et Præsentationem dicti Decanatus Dunelm. de
tempore in tempus, cum vacare illum quomodocunque contigerit,
sicut prius per fundationem et Statuta illius Ecclesiæ, Nominatio et
Præsentatio ejusdem Decanatus ad nos pertinuit, non obstante su-
perdicta fundatione et ordinatione dicti præclarissimi Patris nostri
felicis memoriæ Henrici Octavi; et aliis Statutis et Ordinationibus
quibuscunque non obstantibus; et etiam non obstante quod verus
Valor dictorum Canonicatum et Præbendarum aut earum alicujus
præsentibus Literis nostris non sit expressus, aut aliis ordinationibus
dictæ Ecclesiæ Dunelm. quibuscunque non obstantibus; In quorum
omnium rerum Testimonium has Literas fieri fecimus Patentes,
Testibus nobis ipsis apud Westmonasterium septimo die Februarii
Annis Regnorum nostrorum secundo et tertio, Anno 1555.

7 DE 55